

豫章叢書

第六三冊

族祖權院府君傳

羅洪先

權院公名椅字子遠號澗谷寡欲清修早聞理道家
故饒性喜澹泊敝衣決履不見顏色稍長博學能文
精於詞賦遂有名縉紳間縉紳交譽之公自疑曰此
殆非其至也是時雙峯饒氏得朱子之傳公心慕之
徒步日走百里及門請業饒故聞公名比見其操志
苦刻又能重自損貶謂之曰求道不應如是耶遂留
之講下於是盡聞濂洛之說饒門徒數百人無能出
公有者後以賦四舉漕司寶祐丙辰進士及第自秉
義換承務郎爲長沙教授始至爲解中庸明天人一

致與吾人所以戒謹恐懼之功首尾貫徹亶亶不倦
人人知所趨嚮士大悅服長沙故有學田歲久沒於
豪右公委學錄歐陽忠叟履畝規復諸生咸得廩食
於是學者聚處甚盛由信豐宰擢京權提舉朝請大
夫將拜監察御史是時賈似道方競淫侈嫉公所爲
若形已者乃言於朝曰子遠江西羅牛州也其家豪
富十倍於我乃故爲寒士態耶沮抑之不令通顯每
除擬輒與報罷公目擊似道專權蔽主內恣奢欲而
外事培斂四方軍書日至漫不爲意謂友人曰今日
傾社稷者正在此賊此賊不去吾輩無措手地也遂

爲書極言醜詆以爲似道一日立於朝則虜人有一
日之幸書上會度宗崩少主立國事盡屬似道似道
喉臺中糾彈期以相報而公無釁可乘適以憤懣卧
病臺中指朝臨不至爲辭公曰吾得死所恨無以報
國耳遂棄位去道中見山川城邑悲吟行歌甚於痛
哭而似道亦以人言數至出師蕪湖未幾虜陷饒州
四方勤王之師不至公日夕盼盼不能飲食竟以憂
卒公雖以理學自命然天才甚高落筆詞采呈露詩
文碑版流布遠近詩有江西別派自黃文清公倡之
公與趙章泉韓澗泉相繼爲之雄長當公之出二君

皆已謝世於是倚公爲主盟謝疊山嘗有言中原文獻無徵江西氣脈不絕如縷澗谷公巍然獨步天壤間雖魯之靈光不是過也然則公之見嫉於似道者豈獨以其形已也哉公有澗上委稿行於世兵燹後完集不存好事者時復傳寫今傳中雜入凡五十餘篇

論曰公之名滿宇宙固以學行足法亦其忠義有足稱也公故文革齋執友而第進士復與信國同年公之除京權也信國以書抵公推行輩極其尊仰以爲振江西之頽風者賴有公也信國勤王時公已棄官

及開府劍南求助於公公應之曰吾老矣無能相從
爲役也兄能忘身吾獨不能傾家乎蓋踰月而公卒
子孫承治命行之於是信國軍中時時取給於乎此
其志節爲何如哉昔溪園之爲義莊也蒼崖郡守公
實充拓之而祠祀會拜之儀公兄弟所共講定至今
言者皆歸之公古語有之人貌榮名豈其驗哉雖然
死而不朽是必有出於名之外者此公所爲久遠也
公以清介好修其餽軍乃其深計鄉里傳益以公家
爲信國稱貸所困殊鄙俚不可信余故備論之無使
傳其訛謬且誣善焉

澗谷遺集目錄

卷一

詩

折齒歌

挑濠歌

田蛙歌

題信豐縣城門六首

次劉孟元見贇韻二首

冷泉亭

溪南春曉

寄答楷姪

秋日雜興二首

題方武城詩卷

謁趙東野

次歐振仲見贊韻

寄危驪塘贈以古鑑二首

謝南劍黃使君贈松紋劍

白蓮花

江石

題圓覺寺小軒

遠遊

題信豐縣覽秀亭

元旦試筆

題向伯僑吳松雪齋圖三首

詩餘

柳梢清

清平樂

卷二

文

策問

渾天儀賦

明堂賦

與危驪塘論詩

與葛山詩人論詩

回立雪論詩

謝曾景建惠金陵百韻

與劉書臺求館隱處讀書書

劉訥畫繪歐蘇圖贊

伍誥復祠

田心大宅上梁文

族兄浮雲評事壻誌

卷三

文

祭袁州李使君

祭趙信庵丞相葵

州學路祭趙丞相

祭余資政天錫

祭楊狀元

祭王運使

祭曾子實

祭彭復雅

祭袁仲魯

祭李叔章

祭朱大博聖陶

祭胡文叔

祭遵翁兄文

祭與父兄

祭兄幼思文

祭兄蒼崖文

代兄蒼崖祭大姊

祭兄振父文

祭兄岳老文

祭妻袁氏

祭弟南谷文

祭姪伯初文

祭姪伯恢文

祭姪亦泰文

祭姪亦潛文

祭姪泰宿令廷圭文

祭姪伯陽文

祭長子二十卽文

代家婦祭夫文

祭族兄復齋文

祭弟迪章

祭幼則文

祭族姪懋齋才父文

祭族姪大初文

代父祭子

祭僧

孫氏女哀詞三章

澗谷遺集目錄終

澗谷遺集卷一

宋羅椅撰

詩

折商歌

春衫未成錦機語棠棣半花鳳一羽象床雪綜小龍
梭細火銀光吐冰縷西鄰郎君東海歸芙蓉露白杏
雨肥十二欄邊說幽怨勸織南浦雙鴛飛斷蘭含蕙
無消息春醒彤霞亂玉色小龍嘯出風雨聲奔騰觸
裂雙白石白石國城三十六女子軍來兩城覆鸞歌
援颺強低昂北戶風來如箭鏃章臺公子眞豪縱能